

MERICI CASAVBONI
IS. F.
VINDICATIO
PATRIS,
ADVERSUS
IMPOSTORES,
QUI LIBRVM INEPTVM,
ET IMPIVM,

DE ORIGINE IDOLOLATRIÆ, &c.

Nuper sub ISAACI CASAVBONI
nomine publicarunt.



LONDINI,
Apud Bonhamum Nortonium, & Ioannem
Billium Typographos Regios.
M.DC.XXIV.

MISSOURI

12. 18

VINDICATIO

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875



ILLVSTRISSIMO,
POTENTISSIMOQVE
PRINCIPI,

CAROLO,
WALLIAE
PRINCIPI,&c.



VO Dofficij mei
fuit, Princeps Il-
lustrissime, Pa-
trem meum à mul-
tiplicis ignorantia,
& impietatis fufpicionem, quam no-
mini eius liber ipfi falfo adfcriptus
erat inuifturus, liberare conatus fum.
Nec dubito me qualicunque opera
A mea

EPISTOLA

*mea esse affecutum, ut iam nemo du-
 bitaturus sit, quin Casaubonus
 magnâ sit affectus iniuriâ, cui ta-
 lis fœtus suppositus sit. Sed frustra
 ego laborauerim, si interim liber
 Tuæ Celsitudinis autoritate
 munitus per hominum manus va-
 getur. Ea enim fuit impostoris im-
 pudentia, ut illum sitausus Illustri-
 simo Tuo nomini inscribere, ut sub
 tanto patrocinio tutius falleret. Cum
 autem satis constet Tuam Celsi-
 tudinem & scripti impietatem, &
 falsariorum fraudes vehementer a-
 bominari, nedum ut eis patrocinari
 velis: non ingratum Tibi fore spe-
 ravi, si has Tibi pro Patre Vindi-
 cias offerrem, ut intelligant impo-
 stores, frustra se quæsuissete in tua
 auctori-*

DEDICATORIA.

*authoritate præsidium, quod asse-
rendæ Veritati commodasse Te vi-
debunt. Deus Tibi, magnorum
Principum decus incomparabile,
propitius semper adsit, & Nesto-
reos annos largiatur.*

Tuæ Celsitudinis

seruus humillimus,

MERICVS CASAVBONVS.

off long, and off
the 15th of June 1871
the 15th of June 1871
the 15th of June 1871
the 15th of June 1871

the 15th of June 1871

the 15th of June 1871

the 15th of June 1871

1
MERICI CASAVBONI

IS. F.

VINDICATIO

PATRIS, ADVERSUS

Impostores, qui librum ineptum,

& impium, de ORIGINE IDO-

LOLATRIAE, &c. nuper sub

Isaaci Casauboni nomine

publicarunt.



Vantis, & quàm varijs iniurijs sint obnoxia defunctorum non obscura nomina, vtinam aliundè potius discere me contigisset, quàm ex exemplo domestico. Probè mihi videbar officio defunctus, qui varijs eorum calumnijs responderam, qui, militantes sub aduersis vexillis, famam Patris hostiliter appetiuerant. Sed hi, quia inimicos professi, quia in causâ ipsâ palam

A

con-

contrarij, minus periculosi, minúsque timendi videbantur. Nunc mihi cum ijs hominibus res est, qui nihil minus, quàm maleuolentiam præferentes, aut odium, ad contumeliam Patris, ipso Patris nomine sunt abusi. Verùm, quò minor est injuriæ suspicio, tantò grauior iniuria, (si sit aliqua,) tantoque capitalior existimanda est.

Editus est liber paucis abhinc septimanis sub *Isaaci Casauboni* nomine. Argumentum si spectes, non alienum dicas à cæteris eius tum scriptis editis, tum susceptis operibus, vt postea videbimus. Si locum, quis expectet, vt *Londino* quicquam prodeat in opprobrium *Casauboni*, vbi quamdiu fuit, Regi maximo, & præcipuis Regni vixit charus, & iam defuncti memoria (liceat mihi dicere) apud bonos omnes pretiosa est? Qui verò libri editionem procurauit, sic in laudes *Casauboni* totus effunditur, vt non parum ad eius gloriam suo præconio conferre voluisse videri possit. Verùm, si librum legas, ciusmodi facilè deprehendas esse, qui

qui sine summâ eius infamiâ, atque dedecore, *Cajauboni* credi non possit; ut qui crassissimæ ignorantix, malignitatis, & insolentissimæ in Religionis negotio
* orthodoxis notis sit refertus. Schismatici certè nomine, (ne quid dicam grauius) pœnâque dignissimus Author iste quicunque fuerit; Ecclesiæ *Anglicanæ* non minùs infensus, quàm nomini Patris iniurius.

* cupiditatis
innotandi

Sed quò minùs mireris, Lector, non noua res est, non sanæ doctrinæ libros, ab errore liberis, & rectè sentientibus adscribi. Iampridem vsus est hâc astutiâ de colluie Hæreticorum pessimus quisque, ad insinuanda rudiorum animis pernitiôsâ dogmata, & simplices à rectâ viâ, magni nominis autoritate, seducendos. Inde est, quòd tot libri pestiferam doctrinam complectentes, sanctis & orthodoxis Patribus iam olim attributi, hodièque sub eorum nomine non pauci circumferantur: multi, genuini illi quidem, primam si spectes originem; verùm ita postea corrupti, & ab adulte-

ris manibus inquinati, vt ipsis parentibus inficiandi sint meritò. Cuius rei fidem fecerit vel vnus *Origenes*, qui cum maximis Hæresiarchis iampridem accensitus sit, à non paucis tamen, recentioribus pariter & antiquis, pro orthodoxo acriter est defensus, multa, confirmantibus illis, ab Hæreticis ipsi falsò esse adscripta, libròsque eius, sinceros alioquin, & ab hæresi puros, passim incrustatos esse: vt de veteribus eius Apologisticis, *Hieronymus*, *Vincentius Lirinensis*, & alij memoriæ prodiderunt.

Sed ne longum faciam, siue è prioribus sæculis, siue è præsentì tempore petantur huius generis imposturæ exempla, ausim dicere, nunquam maiori fraude, vel insigniori audaciâ esse suppositum cuiquam spurium fœtum, quàm sit liber iste *Casaubono*. Quo consilio id factum sit ab ijs, qui authores tantæ fraudis fuerunt, quidue eos præcipuè ad tam indignum facinus impulerit, plura cogitantibus occurrunt. Intentatum hoc Ecclesiæ telum à clandestino aliquo,
&

& subdolo hoste, non immeritò suspicetur aliquis. Fortasse aliquis priuatum exercens odium, Patris existimationem lædere sic conatus est. Aut potius, natus aliquis literarum rudis, & * *αἰσχρὰς δὲ* * *καρπὶ λυ-*
 librum iam olim editum, quem magni *cro affluens.*
 pretij iudicabat, neque facillè reperi-
 posse compererat; eum librum, pactus
 cum sordido aliquo typographo, sub
 celebris alicuius viri nomine publicari
 curauit, lucrum sperans è librorum pre-
 tio non exiguum. Quod vltimum sane,
 (vtrunque se cetera habeant: potest
 enim occultius aliquid hic subesse,) illi,
 ad quos pertinebat de re totâ cognos-
 cere, compererunt esse verissimum.

Quis interim conditionem horum
 temporum non deploret, cum homines,
 non tantum * *ἀμύτοι καὶ τῶνδε ἀγνώματοι,* sed etiam * *ἀμύτοι,*
 impuri et infames, de libris qui publicè *ἔκ λυτῆς*
 prodesse queant, lucemque mereantur, *penitus α-*
 fumunt sibi iudicium? Infœlicem The- *λιαν.*
 ologiam! quæ miserorum portus, &
 refugium esse cogitur: quæ negotiato-
 rum genus illiberale, inter alumnos, in-

* *enanidos,*
& *abortivos*

uita licet, habeat; quam illi suo quæstui turpissime prostituunt. Cuius rei culpâ apud ipsam plebē quodāmodò residere magnopere dolendum est, quæ post-quâ semel sibi persuasit, pietatis partē non minimam in sermonibus, & mul-tæ lectionis ostentatione esse sitam, li-bris nouis, non minus quàm Athenien-ses olim rumoribus, inhiat auida. Vt mirum nemini videri debeat, quotidie tot foetus * *omniūque, & inartumque* excudi, vbi tam multi sunt, qui nugas & quisqui-lias pretio redimere parati sunt. Sed vt mirum non sit, in eam spem falsarios adduci potuisse, vt imperito vulgo se fa-cile imposituros, fucumque facturos cre-derent: Nonne omnem audaciam supe-rat, quod quos vindices timere debue-rant, eos quoque fallere, testes ac patro-nos suæ fraudis aduocare non sint veri-ti? O sæculi licentiam! ausum esse tene-brionem, malis duntaxat artibus nobi-lem, librum, de quò sibi summæ im-posturæ, ac admissi stellionatus erat con-scious, Pientissimo, ac veritatis amantis-simo

fimo Principi, & de procerum quàm plurimis, spe mercedis amplæ, nuncupare ! Sed misso hoc plano, nugarumque institore nebulone, vt ad librum ipsum veniamus ; Equidem puto esse neminem ex eruditionibus tam naris obesse, cui præsertim *Casaubonus* planè vel è vitâ, vel è scriptis non ignotus fuerit, qui lecto libro fraudem statim non agnoscat, & falsariorum scelus non execretur. Poteram igitur hoc labore superfedere, si liber in eorum tantum manus peruenisset, qui de rebus hisce iudicare, verisque falsa dignoscere didicerunt. Verum quia liber linguâ vernaculâ editus, ab imperita turba cupidè arreptus est, iamque teritur in vulgi manibus non sine laude, multorumque temeraria approbatione ; vt & ignaros ab errore liberem, Patremque ab iniquâ suspitione vindicem, paucis examinandum librum suscepi, vt sub veris eum coloribus, absterfo fuco, omnibus spectandum proponam.

Ac de ipso quidem vero libri parente,
quis

quis ille sit, ater an albus; viuat, an secus; Gallus, an Anglus; plane nihil mihi constare, ac ne leuissimâ quidem rumoris aurâ subaudisse me, seriò profiteor: Ne fortè priuatæ alicuius similitudinis, aut maleuolentiæ suspicioni sit locus, si dum Patrem iustis armis defendo, in ignotum Scriptorem quibusdam videar inclementior. Ad religionem eius quod attinet, non dubito multis facturum satis, si dicatur, eum non fuisse Pontificium; contrà verò, illis partibus infensissimum: illis inquam hoc satisfacturum, fortasse & laudes authoris expressurum, faciliè crediderim, qui eum continuò putant orthodoxum, qui se Papistis profiteatur aduersarium, & ex odio cuiusque in dissentientes, integritatem fidei solent æstimare. Adeòque nunc vereri subit, ne quia librum contra Missæ sacrificium, vt promittit titulus, neque ipse probo, neque Patris agnosco factum, & Pater, & filius tanquam

* *in deuscriptis* deprehensi, à zelotis nonnullis pro puris putis Papistis habeamur.

*in ipso
crimine.*

mur. Etsi autem graue esset, vllius omnino infirmioribus Ecclesiæ membris occasionem scandali præbuisse, plus tamen apud me valere debet amor veritatis ad eius defensionem suscipiendam, quàm quorundam deprauata iudicia ad deterrendum ab incepto. Optimè meo iudicio, quisquis ille fuit, primus virtutem qui definiuit esse, quod in medio vitiorum ab vtrunque reductum esset: quod non de præcticis, ac moralibus tantum, sed mentis quoque quibusdam virtutibus rectè dici potest: cuius est propria veritatis cognitio. Hanc igitur qui sectantur in religionis negotio, eos duobus extremis esse contrarios, & à duobus extremis pariter oppugnari non est mirum. Qui sic autem medius est, etsi opinionibus distet fortasse ab vtraque crepidine, vinculo tamen charitatis cum extremis vtrunque coniungitur. Neque aliam ob causam magis inuisus est turbulentis ab vtrâque parte, quàm quod inter dissidentes pacem ac concordiam procurare, ingentis scissuræ partes adducere,

Nazianz.
epist. 3.

ducere, iterumque in vnum corpus compingere totis viribus adnitarur. Quam iam olim sæculi sui miseriam vetus Pater deplorabat his verbis, quæ mirè temporibus hisce nostris conueniant: *ὅτι δὲ* (inquit ille, postquam de partium studijs egisset) *ἐπιμαρτυροῦμαι ὅτι μάλιστα, ὡς ἀποστόλων πάλαι κηρύττει, ἡ ἐκταραχὴ καὶ ἡ πᾶσι κακοπραγία. ὅτι οἱ ἀπὸ τοῦ ὅτι οὐκ ἐστὶν εὐνοία, &c.* *Quicumque, medij inter extrema, pacem sectantur, utrinque incommodantur, dum vel habentur contemptui, vel oppugnantur. E quorum numero cum nos simus, &c.*

De Pontificijs iam non est dicendi locus. Cum eo hominum genere mihi res est, qui cum hoc vnum studeant, ab aduersarijs quàm longissime recedere, veri quoque limites imprudenti fugâ prætergressi sunt. Hi sunt, qui fastu atque arrogantia incredibili omnem antiquitatem contemnunt: qui veteres sanctosque Patres grandi supercilio despiciunt: omnia veteris Ecclesiæ instituta abrogare, atque antiquare, diligenti operâ studioque satagunt. Ipsi
nouas

nouas leges condendi, ritus prioribus
sæculis inauditos instituendi, atque in-
uehendi pro libitu, quasi Reipub.
Christianæ constituendæ perpetui Di-
ctatores essent creati, ius sibi vindicant.
Cumque nihil omnino velint Ecclesiæ
paci atque concordiæ concedere, nul-
lam publicæ tranquillitatis habeant ra-
tionem, zelum tamen iactantes, &
suar libidini prætexentes, æstimationi
suar consulere conantur. Ex hoc nu-
mero illum fuisse, quisquis est author
huius libri, quem Is. *Casaubono* impo-
stores adscripserunt, cumque non è gre-
garijs infimum militem, sed primi or-
dinis antesignanum, nemo, puto, du-
bitauerit, qui librum percurrerit, atque
ex infinitis locis huius rei fidem mani-
festam facientibus, ad nonnullos ali-
quantò sagaciùs aduerterit. Adeo vix
aliud huius generis exstare scriptum
putem, quod authoris sui insolenti-
am, proteruiam, pari temeritate iun-
ctam, clariùs & euentius arguat. Di-
cas cum toti Antiquitati bellum indi-

cere, atque immani furore nouitatis actum, omnia maiorum instituta, priscasque consuetudines abolere voluisse. Et est quidem contrà Pontificios liber inscriptus, sed rebus ipsis Ecclesiæ Primitiæ non minùs aduersus, & infensus, quàm Pontificiæ. Cumque Ecclesia Anglicana, rescissis ijs, quæ malo exemplo sequioribus sæculis irreperant, ritus multos veteris Ecclesiæ, & instituta sanctissima retinuerit, hîc illa quoque scilicet per Pontificiorum latus, tanquam per cuniculos, inuaditur; tantò periculosius, quantò dolosius & occultius. Sit igitur hoc primum, quodque familiam ducat, argumentum, ad ostendendum *Casaubonum* libri istius auctorem non esse, nec esse potuisse. Quis enim vnquam maiori reuerentiâ canos antiquitatis profecutus est? Quis antiquos Patres, sine diuini & *adversarij* verbi iniuria, maioris fecit? Nam de Ecclesiâ Anglicanâ quid attinet dicere, cuius ille doctrinam, cuius disciplinam, ritus ac mores sic probauit, & amplexus est,

ut in eâ laudandâ, ac variè deprædicandâ nunquam sibi satisfaceret?

Si nulla superessent eius monumenta, è quibus hic eius animus colligi, atque demonstrari certò posset, at supersunt viri graues, & pij quàm plurimi, quorum fidem testarer, quoties illum in hanc mentem atque sententiam loquentem, fuscèque differentem audiuerint. Sed non opus est eò confugere, cùm libri sint in promptu, qui confirmandæ veritati sufficiant. Quamuis enim nulla illi obtrigerit occasio, cur hoc argumentum ~~negligenter~~, & ex professo tractaret; cùm tamen libri eius ad res sacras, & Ecclesiasticas pertinentes, non modò nihil contineant alienum ab vsu & consuetudine huius Ecclesiæ, sed cum eius decretis, & constitutionibus vbique congruant, easque pro re natâ subinde propugnent, facillè percipiet Lector intelligens, quàm ille in hac Ecclesiæ forma libenter acquieuerit. Neque desunt huius rei certa quoque testimonia, opportunis locis in scriptis eius occurrentia, os obturare

vel impudentissimis idonea; vt cum Regem Seren. in Præfatione ad Exercitationes sic alloquitur, *Qui Ecclesiam habes in tuis Regnis partim iam olim ita institutam, partim magnis tuis laboribus ita instauratam, rot ad florentis quondam Ecclesie formam nulla hodie propius accedat, quam tua, inter vel excessu, vel defectu peccantes mediam viam secuta. Quâ moderatione hoc primum affecuta est Ecclesia Anglicana, vt illi ipsi qui suam ei felicitatem inuident, sæpe tamen ex aliarum comparatione illam cogantur laudare: deinde, &c.* quibus & illa concinunt, quæ scripsit ad Cardinalem Perronium, Regis quidem Seren. nomine, vt cætera illius Epistolæ, sed ex animi quoque sui sensu, arque sententiâ, certò, clarè ac liquidò sibi constare, si notæ inuidentur, & verè necessaria ad salutem spectentur, aut etiam ad decorum Ecclesie, nullam in orbe terrarum (Deo vni sit laus, & gloria) inuentum iri, quæ propius ad fidem, aut speciem, antiquæ Catholice accedat, &c. Non pigebit hic iudicium eius de quibusdam ritibus apponere, quod, prout

res tulit, inseruit *Ephemeridi* suæ, unde quid de cæteris senserit eiusdem generis, facilis coniectura.

Pridie Kal. Nouemb. Diem sacrum non malè posui Dei beneficio. Sum enim inuitatus hodie, ut interesset sacris, quæ facta sunt ad consecrandos Episcopos duos Scotos, & Archiepiscopum Scotiæ. Vidi illos ritus, & impositionem manuum, & preces in eam rem. O Deus, quanta fuit mea voluptas! Tu Domine Iesu serua hanc Ecclesiam, & Catbaris, qui ista rident, da bonam mentem. Anno 1610

Pridie Non. Ian. (anno 1611.) Gratias tibi, Domine, quod hodie ad sacram mensam sum admissus, & corporis Christi, sanguinisque factus sum particeps in Ecclesia Anglicana, cuius formulam heri diligenter meditatus admodum probavi, & ordinem agendi mirè laudaui præ receptâ apud alios consuetudine.

Sed non ex illis tantum, quæ sunt Ecclesiæ Anglicanæ contraria, ad tuendum *Casaubonum* argumentum sumi potest, verum ex ijs quoque, quæ solos tangunt aduersarios, & totius scriptionis genio, im-

* *feruor ex-*
pers doctrine

imposturam poterit quiuvis facili nego-
 tio deprehendere. Cui enim ignota est
Casauboni inter agendum de rebus in Re-
 ligione controuerfis summa moderatio,
 & æquanimitas? vt hanc illi quidam,
 quos præposteri zeli * *deputant amicos* & trans-
 uersos agebat, etiam vitio verterent, &
 iniquæ suspicionis hinc ansam, aliter
 quàm par erat, arriperent. Verùm, Pa-
 tris hæc erat ratio, sicque in animum su-
 um induxerat, & ad veritatem inuenien-
 dam, & reuocandos, qui versantur ad-
 huc in errore, viam certiolem, aut tutio-
 rem esse nullam, quàm quæ duce, aut
 comite saltem moderatione & *innocentiâ*,
 positis affectibus, iniretur: cùm contrà
 putaret eos, quos diuersæ rationes age-
 bant, periculosam viam insistere, & dis-
 sentientes in errore magis magisque
 confirmare. Quod si quis in omnem
 recentiorum scriptorum turbam sedulus
 inquirat, & eorum libros diligenter ex-
 curiat, non vnum aliquem reperiri pos-
 se puto, qui sit efferato in aduersarios
 odio, malignitate, & acerbitate cum hoc

Pseudo-

Pseudo-Casaubono comparandus; qui studio partium, & amoris suæ causæ licentiùs, aut pueriliùs indulserit. Nam quod, quæ verè reprehendenda erant, ea verbis acerbis & maledicentiùs exagitet, quàm decebat hominem moderatum, parum est, & condonari potest. At quòd aduersarios fictis quoque criminibus, calumnijs & mendacijs infinitis obruere conatus est, planè ferendum non est, & indignum Christianæ veritatis assertore. Qui modus agendi cum aduersarijs, etsi fortasse ** διατριβή* quibusdam ** ἀντιμαχία* zelotis, non displiceat, prudentioribus tamen non potest non vehementer improbari: vt qui bonam causam perdere magis, quàm iuuare, vel tueri sit idoneus. Nam si in Præuaricatores seuerâ lege cautum est, qui litis susceptæ præcipua iusta reticentes, falsas tantum criminationes, aut defensiones adferunt; quid de ijs statuendum est, qui rei in Religione controuersæ suscepto patrocinio, quæ maximè solida sunt, & præcipui momenti, aut sponte, aut

** igneis, & quorum mens doctrinæ non est subacta.*

* *refutari,*
& euerti
facilia

per imperitiam omittunt; illis autem
 vtuntur argumentis, quæ sunt * *iniquitas* &
 * *iniquitas*? Nonne in hos quoque, tan-
 quam bonæ causæ proditores, animad-
 uertendi ius idem, par causa? Quid fin-
 gi possit aptius ad eorum animos alie-
 nandos, qui adhuc in diuersis castris
 versantes, vi veritatis victi ad nostras
 partes iam propensiores inclinabant?
 Cuius Fabricij virtutem scriptores antiqui
 posteritati commendârunt, qui in anci-
 piti bello victoriam, quam ipsi prodito-
 ris vnus perfidia offerebat, magno ani-
 mo recusauerit. Non pudeat hodiè
 Christianos cum Christianis de verâ fide
 contententes peiori fide agere, quàm
 soliti sint olim Pagani, proprium dun-
 taxat honorem respicientes, & glo-
 riam?

* *condescen-*
sionem

Ecquis erit igitur Casaubono tã iniquus,
 aut ab omni iudicio tam derelictus, vt ab
 eo profecta putet, quæ furiosi Sycophã-
 tæ & impudèrissimi calūniatoris ingeni-
 um sapiant? Casaubono, cuius æquitatem
 in religionis negotio & * *iniquitatem* opere-
 sè

sè velle probare, quam singula eius scripta singularem fuisse prædicant, otio suo nimis abutentis esset, lucemque Soli fœnerare cupientis.

Et si verecundiæ meæ non sit de Patris eruditione contendere, licebit tamen, opinor, saluo pudore dicere, cum non planè stipitem fuisse, & omnis literaturæ melioris expertem. Quod si mihi concedatur, non est quod verear, ne causam meam difficulter obtineam, Patriſque nomen & famam è mangonum fraudibus asseram, qui hunc librum sub eius nomine publicârunt, vbi stupor & ignorantia ita præter omnem modum superant, vt cum omnia indoctissimum Scriptorem arguant, (si quædam excipias aliundè corrasa,) multa sint, quæ miror à sanæ mentis homine proficisci omnino potuisse: Si sanæ mentis est dicendus, cuius mentem insani huius zeli pestilentia semel afflauit.

Sed puto iam Lectorem expectare, vt earum rerum, quas authori huius libri hætenus obieccimus, exempla aliquot

ex ipso libro ad maiorem fidem proferamus. Superest igitur ut librum breuiter percurramus, & loca, non refutandi animo, sed indicandi causâ proponamus.

p. 2. 3. &c.
8. 9, 21.

Primâ libri parte, quæcunque sub *Veteri Testamento* vel contigerunt, vel instituta sunt à Deo, mysticam aliquam, typicamue significationem habentia, ea pleraque recenset omnia, & enumerat, ut arbores vitæ, & mortis; scientiæ boni & mali; arcum in nubibus; panes azy-mos; nubem quæ Israelitis luce præibat, flammam quæ nocte; maris rubri diuisionem, cœlestem Mannam, aquam ex rupe, Oblationum diuersa genera, Templum Hierosolomitum, Sacerdotum vestes, aquam lustralem, &c. atque hæc omnia, vera & propria *V.T.* Sacramenta fuisse, non minus atque Circumcisionem, & Pascha, non vno loco docet: quorum ad instar sunt instituta duo illa *N.T.* Sacramenta, Baptismus, & Eucharistia. Quàm lata sit Sacramenti acceptio, non ignoro. Sed neque hæc omnia promiscuè sunt à Veteribus vnquam (quod

(quod sciam) in Sacramentorum numerum relata; & dum huius authoris verba & orationem diligentius expendo, hunc illius scopum fuisse certissimâ illatione deprehendo, ut dum quævis *signa Sacra*, vera fuisse Sacramenta disse- rit, vera *Novi Testamenti* Sacramenta, mera tantum esse signa persuadeat. Neque sane aliud colligas ex ijs quæ passim de sancto Eucharistiæ Sacramento dicit.

Quamvis enim nonnunquam longè aliter sentire videatur, verbis his utens, *verè ac realiter*, non tamen aliter ea tribuit Eucharistiæ Symbolis, quàm omnibus illis *Veteris Testamenti* sacris signis siue Sacramentis: neque realiter exhibendi, sed significandi tantum, ut p. 36. vel realiter significandi ut p. 81. vim in illis agnoscit. Quâ nitens ratione, scilicet nihil amplius esse in Eucharistiâ, quàm fuerit in illis signis, Transubstantiationis commentum, stolidissimum alioquin & insulsißimum, nervose purat se refellere, quia nullam fuisse probat P.85.36.

*August. con-
tra Faustum.
li. 19. cap. 13*

lam in Manna, vel rupe salientis aquæ, vel æneo Serpente, &c. Transubstantiationem. Quasi facile non esset aduersarijs *Augustini* verbis, & verè respondere,

Prima Sacramenta cum suo aduentu Christus impleuisset, ablata sunt, & alia sunt instituta; Virtute maiora, Utilitate meliora, actu faciliora, numero pauciora. Vt igitur

paucis absoluam, Hæc eius doctrinæ summa videtur esse, Realiter nos, credendo, Corporis & Sanguinis Christi fieri participes, atque cum ipso coniungi: huius autem nostræ cum Christo coniunctionis, & Communionis signa seu Symbola esse in Eucharistia; quæ nos non tantum signa, sed instrumenta ipsa, mediaque, per quæ Christo coniungimur, esse credimus. Hæc doctrina veteris Ecclesiæ, hæc Ecclesiæ Anglicanæ doctrina, hæc *Casauboni* denique

*Exercit. 16.
Num. 47.*

fides fuit: quem vide in exercitationibus, & in Epistola ad Cardinalem Peronium. Porro qui sic abiectè de hoc Sacramento sentiant, eos non mirum nihil in eo reperire, quod mirentur, ut
hic

hic scriptor alicubi innuit, nonnulli autē multo audaciūſ affirmârunt. At pij Patres * *φειλοῖς* hoc *μυστήριον* appellare conſueti, * *tremendum* nunquam ſine ſacro horrore de re tanta cogitari voluerunt.

Capite tertio, oſtenſurus quāſ fuerint omni tempore Sacra ſigna & ſacrificia varijs corruptionibus, & deprauationibus obnoxia, nullo iudicio cumulat diuerſiſſimi generis peccata, quæ tamen omnia vult ad Sacramenta propriè pertinere : vt ſaſtidium Mannæ, atque inde ſecuta populi murmura, *Hacanīs* peccatum, filiorum *Elie* impietatem, *Vzzæ* temeritatem, & alia id genus, quibus & *Iephthæ* votum, & *Gideonīs* amiculum pro Sacramentorum corruptelis annumerantur. Huc etiam refertur ab eo, quod dicitur 2. *Regum* 17. 17. Iſraelitas filios & filias per ignem tranſmiſiſſe, quem hic noſter, purgatorium ignem vocat, atque hinc hodiernam Alcoraniſtarum, & Mahumedanorum de purgatorio opinionem deriuatam eſſe pronunciat. Per Alcoraniſtas autem, Pontificios

P. 10. 11.

C.

P. 15.

Vid. 63. 65.
66. 70. &c.

P. 29.

Pontificios intelligit. Nam sic eos alibi vocat, & Pontificiorum libros rituales, vt *Durandi*, *Titelmanni*, &c. Alcoranos appellare solet. Capite septimo, citat author Commentarios suos Ecclesiasticos, ad quos Lectores ablegat: quorum iterum mentio fit p. 50. Benè est, vndique nobis argumenta suppetere, vnde Impostorum fraudes detegamus. Nam cuiuscunque tandem sint illi, *Casauboni* certe nulli extant, nulli vnquam extiterunt Ecclesiastici Commentarij. Sed valdè vereor ne gemini sint isti Commentarij alteris illis *Elasopolitani* Commentarijs, vnde profitetur author huius libri in præfatione ad lectorem, omnia se habuisse, è quibus hoc quicquid est operis concinnauit nobis, & adornauit: quos puto nemo vnquam vidit, aut visurus est. Ita saltem ignoti, atque inauditi sunt, vt *Elasopolitani* nomen omnium doctorum auribus, quos percunctari mihi licuit, peregrinum ac planè monstruosum acciderit.

Eodem

Eodem capite inter supersticiosos Baptismi ritus iam olim admissos, In-
unctionem, exsufflationem, & exorcismos enumerat : qui etiam si, cum tandem in superstitionem ridiculam degenerassent, ab Eccles. Anglic. meritò sint abrogati; quia tamen eos constat antiquissimos, non erat hominis modesti tanquam *abominabiles*, ut erant in usu Primitivæ Ecclesiæ tempore, insectari. Nunquam sanè sancti Patres, *Cyrillus, Basilus, Ambrosius, Augustinus*, et alij, non paulò meliores, ni fallor, pietatis magistri, quàm nuperi zelotæ, eos admisissent, aut iam receptos approbassent, si ad adulterandum verum Baptismi usum, primamque institutionem, quod hic author asserit, primum fuissent excogitati. *Casaubonus* autem nunquam sic de ritibus hisce pronuntiasset contra Veterum consuetudinem, qui quantum Patribus deferret, maioris in momenti rebus ostendit. Sed hic prætereundum non est stuporis huius male feriati Scriptoris, simul & malignitatis exemplum

D

cum

P. 28.

cum primis insigne. *Quare* (inquit) *ſ* *Missalifſta olea veſtra in ſacrum Baptiſmi Sacramentum intruſiſtis*, Marci & Marcoſi hæreſin imitati, qui baptizandos prius *ungi præceperunt*: in margine nos adire iubet ad *Epiphanium*. μερὲς δ' τῆς αἰφ' ἐπερ Μαρ-

κάσιος καλούμεται ait *Epiphanius*. *Marcus qui-*

dam, a quo Marcoſij dicti ſunt. Iam quis prodigioſam hanc hominis hallucinationem non admiretur, qui ex Denominatio, proprium nomen fecit, haud ſecus, ac ſi quis diceret, *Arrium & Arrianum* fuiſſe infames hæreticos. Quid autem *Marcoſiorum* deliria, ad Orthodoxorum Veterum conſuetudinem, cum *Marcoſij* oleum, non vt indifferentem Baptiſmi cæremoniam adhiberent, ſed ita in ipſa vnctione Sacramenti vim ponerent, vt eſſent ex ijs, qui ſacris ſuis initiandos, oleo more ſuo delibutos, non omnino baptizarent. τὸ γὰρ ἄγαν ἐστὶ τὸ ὕδωρ ἐν τῷ

αὐτῷ πέλονται τῇ βάπτισι, vt ibidem teſtatur *Epiphanius*, *Ad aquam ducere quidam eorum dicunt eſſe ſuperuacaneum*.

P. 29.

Paucis interiectis, petulanter inuehitur in antiquos, quaſi

quasi mulieribus baptizare permisissent: quod est falsum. *Tertullianus* de vel. virg. *Non permittitur mulieri in Ecclesiâ loqui, sed nec docere, nec tingere, &c.* In extremæ necessitatis casu Laicis id licuisse idem *Tertullianus* author est. Vnde Ecclesia Anglicana, laicorum et mulierum Baptismum, etsi non probat, irritum tamen esse, & nullo loco habendum, cum vrget necessitas, non credit. Impius autem & scelestus est hic *Pseudo-Casaubonus*, qui audet obiectâ societate ac imitatione Montanistarum, Marcionistarum, Cathaphrygianorum, & similis vāsaniæ hæreticorum, qui mulierculis, ijsque scortis suis omnia licere voluerunt, integritatem veteris Ecclesiæ Catholicæ maculare.

Octauo demum capite, quasi pertæsus nimiae verecundiæ, *ποῦνός*, quod aiunt, καφαλῆς, & proiecto pudore in venerandam antiquitatem incipit irruere: atque egregiâ primùm ratione viam sibi munit ad impudentiam. *Nam quum*, inquit, *iam Apostolorum temporibus errores inualuerint,*

*erint, nemo deinceps miretur Apostolorum
successores ~~et~~ sum ritusque Sacramentorum
corrupisse. Quasi eadem res esset* * *et 28^{ma}*

* *coetaneos.*

P. 32.

Apostolis hæreticos aliquos extitisse, & ipsos Apostolorum successores hæreticos fuisse. Hæreses enim iam ab initio, aut non multo post cœpisse, nemo negauerit. At si illi, qui immediate post Apostolos Ecclesiæ præfuerunt, immunes ab hac labe non fuerunt, quid de cætero corpore, & posterioribus sæculis est sperandum? Quare, quod iterum post pauca repetit, varias, vel *infinitas* etiam corruptiones ab ipsis Ecclesiæ primordiis irrepsisse, non grauati concedimus: at non illæ sunt (quod ipse vult) ab Ecclesiâ Catholica receptæ, non à sanis eius membris, sanctisque præsulibus approbatæ. Profitetur Ecclesia Anglicana, se primorum quatuor sæculorum doctrinæ assentiri, ac firmiter adhærere: Quod Patres illorum temporum de communi consensu tradiderunt, & docuerunt, probat atque amplectitur: quod illi non docuerunt, populo

populo proponi verat, vt credi necessarium: Quod patet ex aureo illo Canone (vt *Casaubonus* appellare solitus) anni 1571, cui omnes regni Episcopi in legitima Synodo congregati subscripserunt, quo tenentur Concionatores, *Nil vquam docere pro concione, quod à populo religiosè teneri & credi velint, nisi quod consentaneum sit doctrinae Vet. & N. T. quodque ex illa ipsa doctrina Catholici Patres, & veteres Episcopi collegerint.*

Verum, quæso, quæ sunt hæ tantæ veteris Ecclesiæ corruptelæ, propter quas, hoc antiquitatis flagellum, tantos tumultus excitauit? *Statim, inquit, post Apostolorum tempora, de certo tempore, quo celebrandum esset Eucharistia Sacramentum cæperunt inter se contendere: tunc festos dies instituere, & sollemnia ieiunia indicere.* Constituta celebrandæ Eucharistiæ tempora à Primitiua Ecclesia, aut ex ea re contentiones inter Episcopos exortas esse, nullo idoneo teste probari posse, sed vani hominis esse commentum reor. Nam in tantâ primæ illius ætatis innocentia,

non modò quemuis diem , sed omnem quoque diem sacræ huic functioni fuisse proprium , & quotidianam , vt plurimum, fuisse Eucharistiæ perceptionem, testes sunt antiqui Patres, & alij Scriptores. Longo post tempore, deferuescente pietate, contemptui tantæ gratiæ legibus occurrere necessarium fuit. Tunc designata tempora, quæ vel maximè a uersos obligarent. Sed hic asinus, inter eos agens fortasse , quibus semel in anno communicasse satis est, quod de Paschali solennitate legerat, de cuius tempore diu variatum est, quasi proprius ille, & vnicus Eucharistiæ celebrandæ dies fuisset, ad Sacramenti percipiendi tempus ineptissimè transtulit. *Atqui (pergit ille) de statis ieiunijs, aut diebus festis nihil nobis Apostoli scripto reliquerunt.* At non ita Casaubonus in re quæ de fide non esset, argumentaturus erat, qui S. Augustini regulam sæpè laudauit, *Quod vniuersa tenet Ecclesia, nec Concilijs institutum, sed semper retentum est, non nisi Apostolicâ auctoritate traditum rectissime creditur.* Et de magnæ hebdo-

August. de
Bapt contra
Donat. l. 4.
c. 24.

hebdomadis ante Pascha obseruatione non veritus est scribere in Exercitationibus, *Ego sanctissimam illam consuetudinem iam inde ab Apostolorum temporibus initia habuisse, aut non multò post facillè crediderim.*

Exercit.
p. 671.

Eodem capite dicit *Alexandrum*, primum eius nominis Papam, à *Petro* quintum (vt testatur *Eusebius* Hist. Ecclesiast. lib. 4. cap. 1.) & in martyrio coronatum, vt alij scribunt; cum, inquam, *Alexandrum* dicit, vt Christi leges refingeret, primum in Eucharistiâ vinum aquâ miscuisse. Ad hanc consuetudinem quod attinet, quæ praxis veteris Ecclesiæ fuerit, quid ea de re *Cyprianus*, & *Augustinus* dicant, gnaris antiquitatis ignotum non est. Porro autem scribit ex hac consuetudine *abusum* etiam (sic enim vocat) illorum manasse, qui imbutum in tencrorum infantium sanguine panem cōedentes, Eucharistiæ sacra peragebant. O detestandam hominis impietatem, qui vniuersæ tunc Ecclesiæ consuetudini, nefariorum hominum, nomine quidem apud imperitum vulgus, sed re ipsa

p. 33.

ipsa nihil minùs, quàm Christianorum, horrendum scelus adiungat, & sceleris caussam innoxijis adscribât! Sic olim Gentiles, quicquid flagitij pessimi mortalium, sed vulgò Christiani crediti admittebant, veris Christianis imputabant; vt roties questi sunt xui illius Scriptores. Adeò autem verum est, hoc impiorum hominum infanticidium ab istâ Ecclesiæ consuetudine fluxisse, vt eius originem à *Simone Mago* non pauci repetant, qui *Alexandro*, quem primum aquam vino addidisse Scriptor hic memorat, toto sæculo prior fuit. Eiusdem quoque *Alexandri*, Iudaicas cæremonias in Ecclesiam quasi postliminiò reuocantis, inuentum esse asserit, vsum panis azymi in Eucharistia : vt mirum sit hominem, Geneuense tribunal non reformidasse, apud quos obtinet adhuc vetus illa consuetudo.

Capite nono, vt aditum sibi ad sequentia faciat * *negotiorum* loco de veterum Romanorum religione & cæremoniis agit. Quod argumentum ita tractat, vt cum

* *præmia considerationis.*

eum decuit, qui quantum habet in antiquitate notitiæ, totum è recentioribus aliquot scriptoribus, *Blondo*, *Alexandro*, & similibus hausit: quos ille authores de rebus antiquis, tanquam testes omni exceptione maiores passim citat; in hoc vno laudandus, quod per quos profecerit, ingenuè profitetur. At *Casaubono*, hæc agendi ratio quàm bene conueniat, à nuperis, inquam, scriptoribus totum pendere, neglectâ meliorum lectione, dicant harum rerum iudices idonei.

Omninò autem requirebat ipsius institutum, vt Romanorum ritus sacros, & cæremonias exponeret, è quibus quæcunque fiunt in Mîsâ deducere, atque Paganismi conuincere suscipit. Quod propositum quàm sit laudandum, viros probos, ac moderatos fero iudices. Nam alioquin hunc non primum, aut saltem non vnicum hoc attentasse, non me latet; qui sciam repertos esse, qui omnem Pontificiorum religionem in fide & cæremonijs ad Turcas aut Paganos referrent. *Casaubonum* verò ab hoc animo

E

vehe-

vehementer abhorruisse mihi constat, qui nec tam fuit ineptus, ut hoc ipse crederet; nec tam malignus, ut credi vellet ab alijs. Quæ non eò dicuntur à me, quasi multas, ac detestandas Papismi superstitiones excusare vellem: minimè verò. Sed aliud est, errores & corruptelas ad suam originem bonâ fide reuocare, quod multi præstantissimi viri feliciter aggressi sunt; aliud ad inuidiam conflandam omnia putidissimè detorque, & amarulenter exaggerare; quod omnium, qui in hoc opere desudârunt, scriptor huius libri facit impudentissimè. Cùm autem non pauca Ecclesia Anglicana in sua Liturgia ex Missa retinuerit, non potest illa tota Paganismi insimulari, sine summâ huius Ecclesiæ iniuriâ. Sed in plurimis hoc scriptum Ecclesiæ Anglicanæ aduersari iam monuimus, & res ipsa clamat. quædam breuiter indicabimus.

Capite octauo, Observatio Quadragessimæ inter instituta Christi præcepto contraria numeratur. * Templâ, Sanctorum

.Aurum nomina præferentia , tanquam
 ad hominum cultum, non diuini numi-
 nis honorem erecta, sugillantur, ^b Preces ^b pag. 61.
 & templorum situs ad Orientem , tan-
 quam superstitiosè ab hæreticis instituta
 condemnantur. ^c Compellationes illæ ^c 51.
 personis Ecclesiasticis tribui solitæ, *Pa-*
ter, Reuerende Pater, &c. vt è Gentilium
 consuetudine deriuatæ traducuntur.
^d Confirmatio paruulorum , vt otioso ^d 41.
 rum hominum commentum inane ex-
 ploditur. ^e Per latus Pontificis Roma- ^e 46.
 ni omnis ordinum distinctio, & ⁱⁿ Ec-
 clesiastica conuellitur : æqualitas &
ⁱⁿ ministrorum Euangelij, tanquam
 diuini iuris adstruitur, & asseritur. ^f V- ^f 41.
 sum vestis candidæ (quam *superpelliceum*
 vocant) in obeundis sacris, deriuat ab
 Idololatris Egyptijs; & ^g alibi, consue- ^g p. 73.
 tudinis huius authores spiritu *Numæ*
Pompilij (quem magum solet appellare)
 agitados fuisse pronunciat. ^h Omnis ^h p. 40.
 Templorum supellex, & ornamenta va-
 ria, vt argentea vasa, stragulæ vestes, &
 tapetes, damnantur, & irridentur. ⁱ V- ⁱ p. 64.
 sum

sum tam pneumaticæ, quàm vocalis
Musicae in sacris probrosè vellicat, ne-
que à Rom. Pontificibus, sed Numà
Mago primum affirmat introductum.
k Ius dispensandi pro pluribus beneficijs
Ecclesiasticis non Christianorum in-
uentum esse scribit, sed à Romanis Ido-
lolatris repetitam consuetudinem.

k p. 68.

Has & eiusmodi alias portentosas fal-
sitates audet non tantùm affirmare, sed
dum rationibus quoque confirmare stu-
det, tantam prodit ignorantiam, vt
quid in eo primùm mireris, audaciam,
an ignorantiam, incertus hæreas. Vt
exempli causa, illud vltimum de dis-
pensationibus l primùm afferens, & à
Romanis promanasse contendens, *In*
hæc (inquit) beneficia ius sibi Pontifex
Max. arrogauerat dispensandi quibus vellet
de pluribus simul obtinendis; sicut à Liui
narratur de Fabio Maximo, qui per dispen-
sationem duo beneficia retinendi ius adeptus
est, cum Pontifex Max. est creatus; ducentis
amplius annis ante natum Christum. Hæc
more sæculi nostri ab homine pagano
dicta

l p. 67.

dicta quis non miretur? at in *Liui* nihil horum est. Nam de dispensatione, ne verbum quidem. *Fabius* ille *Max.* de quo *Liuius* hoc in loco, Pontifex nunquam fuit, sed iuuenis obiit. Duo sacerdotia toto genere discrepantia *Fabius Max.* Pater dicitur habuisse; non eiusdem sacerdotij duas prouincias, siue praefturas. Augur idem fuit, scilicet, & Pontifex. Vt omittam quod *Plutarchus* scribit, Auguris titulum, non Magistratus, vel dignitatis, sed artis & scientiae appellationem fuisse. Verba *Liuij* sunt, *Eodem anno Quin. Fabius moritur, &c. Augur in eius locum inauguratus est Quin. Fabius Max. filius, in eiusdem locum Pontifex (nam duo sacerdotia habuit) Ser. Sulpitius Galba.* Sed hoc leue est praerij, quae peccat in cæteris: quorum ut gustum aliquem demus, quomodo *Missam* a *Numa Pompilio* deriuat, audiamus.

Ad ipsum *Misse* nomen quod attinet, non probat eos qui deducunt ex *Danielis* משיח *maozim.* Multò probabilius deriuari posse putat ex Hebræo

P. 48 49.
&c.

Messa; quæ vox reperitur, inquit. 4. *Regum*, ca. ii. & *conculcationē* significat. Reperitur sanè xi. cap. v. 6. vox *חַמְסָא* *missah* quam LXXII. interpretes pro proprio nomine acceperunt, & interpretati sunt *חמסא*, quos secuta Gallica versio, retinuit in ipso contextu *Mese*, notatâ tamen in margine diuersa *vastationis* vel *irruptionis* interpretatione: vnde hic asinus desumpsit. At si in *irruptionis* significatione, vel *conculcationis*, ut iste loquitur, vox est accipienda, radix erit non *חמסא* *masah*, sed *חמסא* *nasah*; neque *irruptionem*, sed *ab irruptione*, præpositione, Hebræorum more, cum nomine coalescente, *חמסא* *Missah* significabit. Pari infantiâ *Missel* à *חמסא* *Misseol* deriuat, quod non *infernum*, sed *ex inferno* significat. Has autem *Missæ* etymologias, probandas alioquin, non admittendas tamen ideò dicit, quia *Numa Pompilius* author *Missæ*, linguæ Hebraicæ imperitus fuerit: Latinum igitur esse vocabulum, & à *Numa* confectum, qui nimirum primus instituit, ut post peracta sacra populo

pulo clamaretur, *Ite, Missa est.* Non putas, Lector, frontem homini, immo conscientiam perijisse, qui talia scribere sustinuerit? Saltem vnum aliquem Scriptorem è veteribus Paganis produxisset, qui *Missa* vocabulum pro substantiuo nomine, & in sacris vsitato vsurpasset. Non minus eum depuduisse dicas, dum, vt Turcas *Missam* magnæ venerationi habere probet, voces Arabicas, *Mecca*, nomen oppidi; *Mesulmanos*, id est, *pacificos*, vel *fideles & Orthodoxos*; *Mesgid*, quasi dicas, *adorationis locum*, id est, templum; corruptas in *Messa*, *Meselman*, *Mesites*, omnes a *Missa* vocabulo deductas esse tradit. Eiusdem notæ est, quod appellationem *Papæ* dicit veteres ab Idololatriis esse mutuatos, qui *Iouem Papam* nuncupare consueuerant. Mirum nisi & sanctos, *Cyprianum & Augustinum*, pro idolis habuerit, quos, hunc ab *Hieronimo*, illum à Clero Romano *Papas* esse nuncupatos reperimus. Sequenti paginâ *Curiones* à quibus nunc à tonsura, appellatos esse nos docet, quos hætenus a Curijs,

Curijs, quæ singulæ singulos Curiones habebant, dictos esse sumus arbitrati. Ibidem quoque Sacerdotibus *εφημερίται* à circulari tonsurâ nomen inditum esse, hariolatur, quos tamen *Dionysius Halicarnassæus*, *flamines* interpretatur, & à pileorum formâ, vel coronis ipsis, quas gestabant, ita vocatos esse testatur. Vestem candidam, quâ Romani in sacris utebantur, *Albam* ab ijs esse vocatam pari mentiendi libertate asseuerat, & putidissimi commenti absurditatem viro erudito, *Alexandro* ab *Alex.* audet adscribere, cuius in libro tale nihil extat. De eadem quoque *Alba* Pontificia loquentem nobis inter Rituales inducit *Philonem* Iudæum. Nam post productas *Tietelmanni*, & *Gabrielis Biel* de *Alba* mysticas interpretationes, ait, *Philonem* in libro de somnijs subtiliter comminisci, *Albam* significare firmitatem splendidissimi numinis, quod vocat *Ens*. Philo super illa verba, *Gen.* 31. 12. *κἀβλάφη τοῖς ὀφθαλμοῖς σου, καὶ ἴδῃ*

τὸ πρῶτον, καὶ εἰς αὐτὸς κἀβλάφηται ὅτε τὰ ὀφθαλμοὶ καὶ ταῖς ὤφθαλμοῖς, καὶ ταῖς ὤφθαλμοῖς καὶ ταῖς ὤφθαλμοῖς. *Leua oculos, &*

vide

Ibid.

P. 52.

vide hircos, arietesque salientes super oves, & capras, albos, varios, interpersos cinericy coloris maculis, (quemadmodum verterunt 72. Seniores) more suo *ἡγεμεν*, postquam de duabus prioribus speciebus *ποικίλα, & ἐκτὴς ποικίλης* *Vario, & cinericy coloris*, iam egit, *τὸν τοῖτον καὶ τελευταῖον, ὃς ἀνομαζέται διδάυκας, αὐτὶς αὖτε καλεῖται* id est, secundum Interpretem, *Iam tertiam perfectissimamque, quæ Alba nominatur, explanabimus. Quam de veste linea, è bisso purissimâ confectâ, à summo Sacerdote indui solita, allegorice interpretatur.*

Hæc quoniam *Alba Pontificiæ* non male conuenire videbantur, priora illa verba Interpretis, *quæ Alba nominatur*, tanquam de veste dicta à *Philone*, homo væcors, accepit. Sed ne mireris *Philonem* de veste Pontificia locutum esse, eidem *Missalistas* quoque notos fuisse mox audies. Postquam enim pleraque vestes in sacris apud Pontifi-

P. 54.

His, inquit, addit Philo Iudæus Mytram ad indicandum Missalistarum regium diadema. In

loco citato *Philo* agit de Mytra summi Sacerdotis apud *Iudaos*. Huic igitur homini, Sacerdotes *Iudaeorum*, & Missaliftæ, iidem sunt: at alibi semper cum Missalistas cum Paganorum Sacerdotibus confundat, & utrosque ab eadem deducat origine, sequetur necessario ex eius sententia, inter Paganorum, & *Iudaeorum* Sacerdotes à Deo institutos nullum fuisse discrimen.

P. 59.

Labarum, vexilli nomen ante Christi tempora, (quod quidem scire possimus, è libris veterum, qui nunc extant) prorsus inauditum, à Constantino maxime nobilitatum, priscis Romanis eo notum nomine fuisse author est; immò tanquam Romæ natalibus antiquius, ab *Antenore Troiano* repetit.

Pudet me ineptiarum, quarum ipsum authorem non puduit: qui etsi fuerit indoctissimus, quod Sole meridiano clarius est, nunquam tamen eò insolentissimæ insanix deuenisset, nisi ita animatus ad scribendum accessisset, ut veritatem non sibi quærendam putaret,

ret, sed aduersarios vndique, veris an falsis criminationibus, opprimendos. Nam cuius vnquam venisset in mentem dicere, Missam esse à *Numa Pompilio* septingentos annos ante Christum natum celebratam? quod hic author singulis ferè paginis ingerit. Vnde vbi de Sacerdotibus à *Numa* constitutis loquitur, vocat eos *Presbyteros Missæ*, & capite decimotertio, locum *Blondi* de *P.55.* ritu Paganorum in sacris proferens, quod *Blondus* de Gentilibus dicit, *Dys Supertis sacra facturi*, hic vertit, *qui Missam erant celebraturi*. Capite xv. ait Sa- *P.62.* cerdotes à *Numa Pompilio* didicisse peccata sua ante *Missæ* solemnia confiteri: nam & idololatriis in more positum fuisse, vt rem diuinam facturi, se reos inprimis agnoscerent, vultumque submitterent. In hâc consuetudine, quam alioquin nemo sanus improbauerit, si quid admittatur à Pontificijs reprehensione dignum, non is ego, qui excusare velim. Sed si id solum crimen est, quod Ethnici non dissimile quid vsurpârint,

quid erit vel in purissimâ & incorruptissimâ religione tutum à reprehensione? Nam præterea, solitos quoque Sacerdotes sub veteri lege, primas pro suis peccatis victimas offerre, non ignoramus: quod puto nemo dicturus est, ab idololatriæ Israelitas accepisse. Quod si huic authori negaueris, esse continuò reiicienda, quæcunque nobis sunt cum Gentibus in religione communia, corruit illicò tota moles huius libri, & in terram præceptis datur. Hoc enim est vnicum fundamentum, quo tot insulsæ disputationes, tot ineptæ, & iniquæ criminationes innituntur. Patrum super hac re quæ fuerit sententia, multis eorum testimonijs ostendi posset. *Quoniam idola colebamus, nunc Deum colere non debemus, ne simili eum videamur cum Idolis honore venerari?* Exclamat Hieronimus contra *Vigilantium*. *Augustinus* etiam contra *Faustum Man.* Sicut, inquit, non idèò contemnenda vel detestanda *Virginitas Sanctimonialium*, quia & *Vestales Virgines fuerunt*, &c. In eandem sententiam *Tertullianus*

Tullianus de præscriptionibus aduersus hæreticos prolixè demonstrat, Gentiles habuisse quædam ritibus nostris in præcipuis Religionis nostræ mysterijs affinia. Tantum verò abest, vt omnia Paganorum instituta veteres Christiani repudiauerint, vt etiam sese ad illorum consuetudines, quantum per pietatem licebat, prudenti *συγκαταβιβας* accommodauerint; vt eos scilicet maioris in momenti rebus facilius allicerent: sicut iam à doctis viris obseruatum est, & pluribus exemplis confirmari posset. Sed ad hunc authorem refellendum, immo & manifestæ impietatis conuincendum, sufficient ipsius verba.

Nam qui aliàs semper tantâ cum acerbitate condemnat quæcunque apud Pontificios cum Paganorum ritibus villo modo conuenire videntur, non aliam ob causam, nisi quod cum illis conueniant; scribit tamen non semel, Christum ad instituenda *N. T.* Sacramenta, Symbola delegisse, quæ tam Iudæis, quàm Gentibus in sacris erant vsitata, vt

P. 25. & 26.

eò facilius ritus iam propè sibi familiares nationes omnes admitterent. De Gentibus, an ad eorum Cæremonias Christus respexerit, non temerè pronuntiauerim. Eum certè ad Iudæos ita sese accommodasse, vt nihil, non iam vulgare apud ipsos, & vsitatum, quantum ad ritus ipsos attinet, institueret, viri docti certissimis è Thalmude testimonijs, & alijs Hebræorum scriptis adstruxerunt. An igitur qui Christi exemplum in rebus adiaphoris, & illæsa pietate secuti sunt, impij, prophani iudicandi sunt? annon illi potiùs impij, prophanique, qui vt aduersarios liberiùs irrideant, sacro Dei Verbo non parcunt, ab horrendis blasphemijs non abstinēt? Quod quàm egregiè fecerit hic *Alastor*, vnico exemplo indicasse sufficiet.

Psal. 43. v. 4. *David* his verbis exultat, אֲבֹרָאֵה אֶל מִזְבֵּחַ אֱלֹהִים אֵל אֵל שְׁמַחֲתָ גִּילִי
 quæ LXXII. Interpretes sic tran-
 stulerunt, εἰσέλυστάμεν πρὸς τὸ θυσιάζειν τῷ Θεῷ, πρὸς τὸ
 Θεῷ, τὸν ὑπαγαγόντα τὸν ψόψοντα μᾶν: quod secutus Latinus
 Interpres vertit, *Introibo ad altare Dei,*

Dei, ad Deum qui lætificat iuuentutem meam. De his verbis sic ludit impius morio. Numa Magus in eiusmodi agitationibus, conuersionibus, & inclinationibus sacrificuli multum sanctitatis inesse credidit: Unde factum videtur, ut hæc faceta cantiuincula in Introductione Missæ poneretur, Introibo (inquit ille) ad altare Domini, qui lætificat iuuentutem meam. Non merito lætetur, cum positam mensam videt, & stratam, cum paratas epulas, Organorum & aliorum Musicorum Instrumentorum concentum, suffitus, & odores, calycem vino plenum, collectam paratam, & pecuniarias oblationes iam iam crumenam ipsius impleturas? Nonne hæc omnia Sacerdotis exhilarare iuuentutem sunt idonea, cum scandit altare ad altandum & conuertendum se secundum præscriptam à Numa mago formulam? De quadam vrbe queribundus olim dicebat pius Pater, ἢ σποδὸς ἐπὶ τοῖς θεοῖς παλῆς ἁσπέρ, πρὶν, ἢ θάψαν ἄν τι τὰς ἐπιταφίσαν γυλάσσαν, ἢ παρίδαι τι ὅψι γυλάσαι ἀγίλασαι, que studet in diuinis rebus ludere, ut in qualibet aliâ re; citiusque aliquid honestum irrideat, quàm quod ridiculum sine risu

pag. 63.
Greg. Naz.
Or. 111. de
pace.

rifu pratereat. Hoc est hodie multorum crimen, qui in sacris iocos captant, & in rebus serijs facetorum nomen affectant.

pag. 40. &
41.

p. 73. & 74.

* si quis sen-
sus illis

Hic eram desiturus, nisi religio esset iniuriam atrocissimam sacris Imperatoribus, & antiquis Episcopis Romanis factam, silentio præterire. Ait enim furiosus iste, *Romanos Episcopos, qui se dici Christianos, & haberi volebant, per annos a nato Christo trecentos aut quadringentos aliud nihil egisse, aut laborasse, quam ut usum Sacramentorum deprauarent, Iudeorum caeremonias, & infandas Paganorum Idololatrias reuocarent.* Et de Gregorio nominationem scribit, *eum Magiæ Pythagoricæ callentissimum, & in Numæ successoris, Hostilij legibus versatissimum nouis & magicis additamentis Misset locupletasse.* Quò vultu credibile est, quibus oculis beatas animas * et sic dicitur. vilissimum tenebrionem de cælo respicere, fidei, quam plerique ipsorum suo sanguine, gloriosi Martyres, obsignârunt, sibi controuersiam mouentem; & eiusdem cum ijs ipsis, quos crudelissimos persecutores habuerunt,

runt, impietatis accusantem ? *Casaubono* verò quanta fiat iniuria, cui hominis fanatici detestanda deliria tribuantur, etsi paucos ignorare sperem, tamen abs re non erit, in imperitorum gratiam, ipsius verbis exponere. Sic igitur ille in Exercit. *Nemo peritus rerum Ecclesiæ ignorat opera Romanorum Pontificum per multa secula Deum esse usum in conseruandâ sanctâ rectâ rectæ fidei doctrina, &c.* Ibidem, *Ventum est ad Leonem Magnum, de quo Pontifice quàm honorificè sentiamus ipsi iam ostendimus. Non enim ignoramus, quantus hic fuerit sincerae fidei defensor, & pro rectâ fide quantos labores sustinuerit, quàm Ecclesiæ Dei viles, &c.* Et in alio loco de *Gregorio: Fuit Gregorius, non solum cognomine, sed rebus ipsis Magnus & Sanctus, ac verè sui sæculi, propè iam ferrei, Phœnix. Nos quidem ita censemus, & cur ita censeamus, causas parati sumus reddere, &c.* Multò plura, sine dubio, possent afferri in eandem sententiâ, si quis libros eius diligenter euolueret. Sed hæc, quæ nunc occurrebant, Lectori satisfactura non dubito.

p. 434.

p. 748.

p. 43.

p. 42.

Iam de Romanis Imperatoribus superest ut agamus, quos omnes Christianæ Religionis semper infestissimos, & auitæ superstitionis tenacissimos fuisse confidenter asserit. Nam *cap. 10.* dixerit, actotidem verbis affirmat, *per spatium quadringentorum annorum Romanos Imperatores, & Senatores Legi Christi semper aduersos & inimicos fuisse*, pagina verò sequenti, *Spatio septingentorum, aut circiter annorum post incarnationem Domini, nullum Romæ fuisse Imperatorem, Regem vel Principem, qui Legem Christi vellet amplecti. Erunt (inquit) fortasse, qui Philippum quendam nobis obijcient, quem iactant nonnulli ad fidem Baptismi conuersum fuisse, cuius adeò flagitiosa fuit vita, ut illum præcipue auctoritatis historici, Christiani nomine indignum iudicauerint. Addent & Constantinum Magnum, qui Nicenam Synodum conuocauit; sed eius sedes in Græcia fuit, ubi Orientis Imperium; neque is ad Baptismum unquam potuit adduci, ut Christi sanguine regeneraretur, priusquam annum vice quintum & septuagesimum, iam morti proximus, ageret:*

ret: quo tempore ab Eusebio Arriano Episcopo Nicomedia, baptizatus est. Quare non est, quòd Syluester Episcopus de conuersione huius Imperatoris ad fidem gloriatur.

Deus bone! quænam hæc est mentiendi prodigiosa licentia! qui fontes, quæ maria dirissimum hoc impurissimi Calumniatoris virus eluant? non ergo *Constantinus*, non *Iouinianus*, non *Valentiniani*, *Gratianus*, non ille tot rebus gestis, tot Christianorum præconijs *Magnus Theodosius*, non ille Christianus? Nam quod *Constantinum* Christianum fuisse negat, quia Baptismum distulerit, satis constat id pientissimum Imperatorem fecisse more tum recepto. Plures enim illius æui, qui Christo bona fide nomen dederant, baptismi tempus diu protaxisse reperimus. Cum enim omnes prioris vitæ maculas sacro hoc lauacro expiari crederent, tunc maximè opportunum eius tempus censebant, (vt *Eusebius* author est de vita *Constant.* l. 4. c. 61.) cum vita ad extremum vergeret, vt hoc pacto quàm purgatissima conscia

entia vicinæ morti traderetur. Cui tamen consuetudini, ut periculosi nimis euentus & aleæ, Græci & Latini Patres, qui per ea tempora floruerunt, strenuè sele opposuerunt. Sed *Constantino* peculiaris quoque ratio fuit, quod in Iordane (sicut ipse apud *Eusebium* profite-
tur) si Deus vitam illi prorogasset, baptizari decreuisset.

Quod si ideò à Christiana fide abhoruisse credendus est, quia serò baptizatus; quid de *Valentiniano* dicemus, quem longius baptismum differentem impro-
uisa mors occupauit? Quem tamen beatus *Ambrosius* post mortem cælo receptum indubitanter credidit; ne dum ut Christianum vixisse & obiisse ambigeret. Sed ipsum iuuat audire defuncti forores consolantem. *Ambros.* de obitu *Valent.* Sed audio vos dolere, quod non acceperit Sacramentum Baptismatis. Dicite mihi, quid aliud in nobis est, nisi voluntas? nisi petitio? Atqui etiam dudum hoc voti habuit, ut cum in Italiam venisset, initiaretur, & proximè baptizari se à me velle significauit; & ideò

Ambros. de
obitu *Valen.*

idèd præ cateris causis me accersendum putavit. Non habet ergo gratiam, quam desideravit? Non habet, quam poposcit? Certe quia poposcit accepit. & mox, Qui habuit spiritum tuum, quomodo non accepit gratiam tuam? Aut si quia solemniter non sunt celebrata mysteria, hoc mouet, ergo neque Martyres, si Catechumeni fuerint, coronentur. Non enim coronatur, si non initiatur. Quod si suo abluuntur sanguine, & hunc sua pietas abluit & voluntas.

Constantinum autem ab Arriano Episcopo baptizatum, quamuis habeat hæc sententia Hieronymum suffragantem, habet tamen & contraria suos assertores. Theodosij Magni tempora qui proxime secuti sunt Imperatores, siue Romani, siue Barbari, etsi plerique Arrianâ hæresi fuerunt infecti, Christiani tamen fuerunt illi, &, quod huc maxime facit, à Paganismi suspitione procul omnes abfuerunt.

Ad Symmachi *Relationem* quod attinet (quam infrunitus hic zelota *Responsionem* talis vocat, ne supplicasse pro sua

religione fateatur, quos autoritate & numero primas habuisse contendit) diligentius animaduertenda res est, cum in eâ causæ suæ præsidium ponat, vt euincat Romanum Senatum, & Senatores, sic enim loquitur, ad fidem Christianam nullos vnquam adduci potuisse. Sic autem se res habet. Symmachum legarunt Ethnici ad *Valent.* pro arâ victoriæ restituenda, &c. Nec impetrarunt. Ergo saltem Imperator Christianus. Sed qui hoc petierunt? *Absit*, (inquit *Ambrosius*. in libello primo contra Symm. Relationem.) *Vt hoc Senatus petisse dicatur. pauci Gentiles communi vtuntur nomine. Nam & ante biennium fermè, cum hoc petere tentarent, misit ad me S. Damasus Romana Ecclesiæ Sacerdos, iudicio Dei electus, libellum, quem Christiani Senatores dederunt, & quidem innumeri, exposulantes nihil se tale mandasse, non congruere Gentilium huiusmodi petitionibus vos præbere consensum. Quæsti etiam publicè, priuatimque se non conuenturos ad Curiam, si tale aliquid decerneretur. Dignum est temporibus Vestris,*

Stris, hoc est Christianis temporibus, ut dignitas Christianis Senatoribus abrogetur, quò Gentilibus Senatoribus prophana deferatur voluntatis effectus? Hunc libellum ego fratri Clementiæ vestræ direxi. Vnde constitit non Senatum aliquid de superstitionis impensis mandasse Legatis, &c. Videat iam Lector cui potius fides habenda sit, sanctissimo præfuli, rerum sui temporis oculato testi, an perfriktæ frontis nebuloni, omnis Ecclesiasticæ antiquitatis imperitissimo.

Supremum nunc hoc restat, ut, quod initio promissimus, de suscepto à Patre similis argumenti libro paucis agamus: quod verbis ipsius expediemus. *Casau-
bonus ad Lect. in Exercit. ad Baron. Quada-
dam breuiter attigi; quædam paulò uberius
tractaui; ut doctrinam de sacrosanctâ Eu-
charistia, de qua dum vestigia Baronij pre-
mo tres scripsi disputationes: Unam de Va-
rijs huius Sacramenti apud Veteres appellati-
onibus: alteram de Transubstantiatione:
tertiam de genere sacrificij Christianorum:*
conatus

P. 587.

conatus primorum seculorum doctrinam, non minus candide & ^{apertius}, quam accurate exponere. Primam disputationem habes in Exercitationibus editis. De reliquis sic ipse in iisdem Exercitationibus. Atque hæc de Appellationibus huius diuini Sacramenti impræsentiarum satis. Restabat ut ad secundam partem Baronianæ digressionis de Eucharistia, quæ est de Transubstantiatione, accederemus; & quæ fuit veteris Ecclesiæ fides super eo articulo accurate expendere. Sed cum nostra ad eam partem responsio, itemque ad tertiam de sacrificio Christianæ Ecclesiæ in molem multò maiorem quam initio putaremus excreuerit: satius fore visum est, ut illæ disputationes separatim ederentur, neque huius operis editionem morarentur. Has verò, cum Patrem mors immatura præuenisset, nunquam edidit. Affectas autem tantum, an perfectas, & ad prælum paratas reliquerit, compertum non habeo; cum nihil ex eis ad manus meas vnquam peruenerit. Earum certè in hoc libro præter

præter ipsum *Casauboni* nomen, omnino nihil est. Non hîc candorem, non simplicitatem, non accuratam diligentiam inuenias. Institutæ à *Casubono* methodi nulla hîc vestigia. Quod pater promiserat, ex Patribus, & alijs scriptoribus antiquis, totum concinnaue-
rat. Nulla hîc Patrum mentio, nulla ex ipsis testimonia, præter tria, aut quatuor, ad summum, sub libri finem obiter allata. Quæ ex eius Exercitationibus protulimus, scribebat ille anno Do. M.DC.XIV. Gallica huius libri editio, ex quâ translata, & recusa est hæc Anglica, anno M.DC.VII. (si benè memini: semel enim tantum inspicere mihi licuit) prodijisse fingitur. Quo tempore *Casaubonus* ab *Henrico IIII.* Galliarum Rege Christianiss. ad literarum humaniorum professionem euocatus, Parisijs agebat. Qui tum à Rege Christianissimo cum petijisset, vt liceret sibi *Barony* Annales modestè refutare, repulsam tulit. Eodem quoque tempore, an-

no scilicet M.DC.VII. *Isaaci Casauboni De libertate Ecclesiasticâ* liber edebatur, sed suppresso authoris nomine. Quod tamen nihil profuit. Adhuc enim libri pars exigua typis erat expressa, cum vetita est autoritate Regis editio, & *Casaubonus* institutæ scriptionis filum coactus est abrumpere. An igitur tunc ausus esset ille, librum adeò virulentum, qualis est hic liber, adeò iniquum contra Pontificios edere? an, si ausus, impunè tulisset? Vbi tunc aduersarij, qui se illi, postquam primùm in Anglia de rebus ad religionem pertinentibus aggressus est scribere, tot & tantâ cum acerbitate opposuerunt? Habeo catalogum librorum omnium, quos Pater edidit, manu ipsius scriptum, qui à me in alio opere editus est. Cur hunc omisit? Sed quid opus est in his diutiùs immorari, cum Impostorum fraus omnis iam detecta sit? qui libro Gallico sine nomine (quales eduntur in Galliâ multi, præsertim Theologici) *Isaaci Casauboni* nomen, calli-

calliditate typographicâ, præfixerunt :
annofo & propè iam exoleto libro, no-
uam iuuenturis faciem, artificiosè im-
mutatis notis Arithmeticis, induxerunt :
tutos se fore rati, si suæ imposturæ cri-
men ad alios transferrent. Posteritatis in-
tererat, nullo tempore defuisse, qui per-
ditorum hominum imposturas &
deprehendere possent, &
vlsifici.

F I N I S.

Errata.

Pag. 27. lin. 14. *lege* Cataph. p. 34. l. 27. *lege* gesimæ.
p. 35. in marg. *lege* f 59. p. 38. l. 3. & 16. *lege* Massah.
Cætera, si que sunt, æquus Lector festinationi nostræ
condonabit.



